



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-1/21-2-40-415-2/22**
Datum: **01.09.2022. god**

«Agencija za vodno područje rijeke Save» Sarajevo rješavajući po zahtjevu Investitora SPD «PILI» vl. Ahmić Nermin iz Visokog za donošenje Rješenja o vodnoj saglasnosti za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada objekta farme za tov pilića u naselju Kralupi-Čifluk, grad Visoko, na osnovu člana 139. stav (1) tačka 10. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj saglasnosti**

1. Investitoru SPD «PILI» vl. Ahmić Nermin iz Visokog, daje se vodna saglasnost za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada objekta farme za tov pilića kapaciteta 40.000 pilića/turnus, koji se planira graditi u naselju Kralupi-Čifluk, na zemljištu označenom kao k.č. broj: 410 K.O. Kralupi, grad Visoko, a na osnovu projektne dokumentacije:
 - Glavni projekat vanjskih hidroinstalacija, objekat za tov pilića, Visoko, Kralupi-Čifluk, urađen od «PERSPEKTIVA-inženjering» d.o.o. Visoko, šifra: 72.VS.PER.VII/22, juli 2022. (revidovan od «ZAVOD ZA VODOPRIVREDU» d.d. Sarajevo, avgust 2022.).
- Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.
2. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
3. Vodna saglasnost se donosi na osnovu pregleda dostavljene projektne dokumentacije iz tačke 1. ovog rješenja, utvrđenog činjeničnog stanja i pod sljedećim uslovima:
 - 3.1. Radove na izgradnji sistema za prikupljanje, odvodnju i zbrinjavanje otpadnih voda nastalih u postupku pranja i čišćenja objekta za uzgoj, kao i objekta za zbrinjavanje đubriva, izvesti u skladu sa ovjerenom projektnom dokumentacijom iz tačke 1. ovog Rješenja.
 - 3.2. Objekti za prikupljanje, odvođenje i zbrinjavanje otpadnih voda od pranja objekta i opreme kao i objekat za zbrinjavanje đubriva moraju se ispitati na vodonepropusnost.
 - 3.3. Ishodovati okolinsku dozvolu od strane nadležnog organa ili potvrditi da ista nije potrebna.
 - 3.4. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim i postojeće korisnike voda.
 - 3.5. Prilikom izvođenja radova iskopani materijal se ne smije ni privremeno odlagati na česticu «vodno dobro», odnosno u vodotoke i na njegove obale.
 - 3.6. Podnosilac zahtjeva je obavezan ispoštovati uslove iz Rješenja o urbanističkoj saglasnosti za izgradnju objekta za tov pilića kapaciteta 40.000 komada broj: 12-19-4909/21 od 20.06.2022. izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona.
4. Ukoliko se u toku izvođenja radova i korištenja predmetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procjenjenu štetu nadoknaditi.
5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektu obuhvaćenim ovom vodnom saglasnošću, korisnik zaštitnih vodnih objekata nije odgovoran za nastale štete.

6. Po završetku izgradnje predmetnih objekata i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata («Službene novine FBiH» broj 31/15, 55/19, 41/20 i 63/22).
7. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.
8. Ova vodna saglasnost prestaje važiti istekom roka od dvije godine ukoliko u tom roku ne bude pribavljeno odobrenje za građenje i započeta izgradnja.
9. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Investitor SPD «PILI» vl. Ahmić Nermin iz Visokog, svojim zahtjevom, zaprimljenim 22.08.2022., zatražio je izdavanje vodne saglasnosti za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada objekta farme za tov pilića kapaciteta 40.000 pilića/turnus, koji se planira graditi u naselju Kralupi-Čifluk, na zemljištu označenom kao k.č. broj: 410 K.O. Kralupi, grad Visoko, a u postupku pribavljanja odobrenja za građenje.

U provedenom postupku dostavljena je i pregledana sljedeća dokumentacija:

- Ovjerena kopija lične karte Investitora,
- Dokaz o uplaćenju upravnoj taksi,
- Kopija Rješenja o odobrenju za obavljanje srodne djelatnosti poljoprivredne struke broj: 04/1-21-1-50/11 od 21.02.2011. izdatog od Službe za privredu, razvoj, budžet i finansije Općine Visoko,
- Kopija Rješenja o urbanističkoj saglasnosti za izgradnju objekta za tov pilića kapaciteta 40.000 komada broj: 12-19-4909/21 od 20.06.2022. izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o prethodnoj vodnoj saglasnosti broj: UP-I/25-1-40-154-6/21 od 15.06.2021. izdatog od «Agencije za vodno područje rijeke Save» Sarajevo,
- Glavni projekat vanjskih hidroinstalacija, objekat za tov pilića, Visoko, Kralupi-Čifluk, urađen od «PERSPEKTIVA-inženjering» d.o.o. Visoko, šifra: 72.VS.PER.VII/22, juli 2022. (na uvid i ovjeru),
- Konačni izvještaj o izvršenoj reviziji projektne dokumentacije, urađen od «ZAVOD ZA VODOPRIVREDU» d.d. Sarajevo, avgust 2022. (na uvid).

Nakon uvida u dostavljenu dokumentaciju konstatovano je sljedeće:

- Objekat farme za tov pilića P+1, kapaciteta 40.000 pilića/turnus, sa planira graditi u naselju Čifluk-Kralupi, grad Visoko.
- Predmetna lokacija se ne nalazi u vodnom dobru niti u poplavnom području vodotoka I kategorije. Na osnovu Odluke o zonama sanitarne zaštite izvorišta „Vrutak“ i Šećine njive“, općina Visoko (Službeni glasnik općine Visoko“, broj: 2/19), predmetna parcela se nalazi u IV zoni zaštite izvorišta „Vrutak“ i Šećine njive“ i u skladu sa navedenom Odlukom predmetna aktivnost je dozvoljena uz standardne mjere zaštite.
- Đubrivo, nakon završenog ciklusa, će se prikupljati u vodonepropusnu lagunu, do konačnog odvoza na poljoprivredne površine.
- Otpadne vode od pranja unutrašnjosti objekta nakon završenog turnusa, će se prikupljati sistemom slivnika i kanalizacione mreže i odvoditi u đubrišnu/sabirnu jamu bez ispusta.
- Sanitarno-fekalne otpadne vode će se prikupljati u septičku jamu
- Predviđeno je da se snabdijevanje vodom obezbijedi iz gradskog vodovoda, ukoliko Investitor isprojektuje i izgradi cjevovod o svom trošku, a projekat dostavi na ovjeru u JKP „VISOKO“ d.o.o. Visoko.
- Projektna dokumentacija je urađena u skladu sa uslovima iz prethodne vodne saglasnosti izdate od ove Agencije.

Urbanističke uslove za izgradnju predmetnog objekta, podnosiocu zahtjeva je kroz izdato Rješenje o urbanističkoj saglasnosti izdalo Ministarstvo za prostorno uređenje, promet i komunikacije i zaštitu okoline Zeničko-dobojskog kantona.

Projektna dokumentacija, dostavljena uz zahtjev, urađena je i revidovana od strane pravnih lica koja imaju Ovlaštenje izdato od strane Federalnog ministarstva poljoprivrede, vodoprivrede i šumarstva (sa liste «A»).

U dokaznom postupku utvrđeno je da je projektna dokumentacija urađena u skladu sa uslovima iz Rješenja o prethodnoj vodnoj saglasnosti, izdatog od strane ovog organa, broj: UP-I/25-1-40-154-6/21 od 15.06.2021., te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju: Glavni projekat vanjskih hidroinstalacija, objekat za tov pilića, Visoko, Kralupi-Čifluk, urađen od «PERSPEKTIVA-inženjering» d.o.o. Visoko, šifra: 72.VS.PER.VII/22, juli 2022., data vodna saglasnost na istu.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama člana 114. Zakona o vodama, te članom 7. Pravilnika o sadržaju, obliku, uslovima, načinu izdavanja i čuvanja vodnih akata.

Podnosilac zahtjeva je uplatio upravnu taksu u iznosu od 60 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Sanja Miličić, građ.ing.

Prilog:

- Ovjerena projektna dokumentacija: Glavni projekat vanjskih hidroinstalacija, objekat za tov pilića, Visoko, Kralupi-Čifluk, urađen od «PERSPEKTIVA-inženjering» d.o.o. Visoko, šifra: 72.VS.PER.VII/22, juli 2022..
- Konačni izvještaj o izvršenoj reviziji projektne dokumentacije, urađen od «ZAVOD ZA VODOPRIVREDU» d.d. Sarajevo, avgust 2022.

Po ovlaštenju
Rukovodilac sektora za izdavanje vodnih akata


Haris Ališehović, dipl.ing.građ.

Dostaviti:

- SPD «PILI» vl. Ahmić Nermin
Goduša 18, 71300 Visoko (prilog)
- AVP Sava, ISV-vodna knjiga
- Sektor 40 – arhiva
- Oglasna ploča – AVP Sava